

PUBLIKA E SHKODËR



REPUBLIKA E SHQIPËRISË



## KËSHILLI I QARKUT SHKODËR

Nr. 522 Prot.

Shkodër më 04.01.2023

### V E N D I M

Nr. 06 datë: 29.12.2022

#### **“PËR MIRATIMIN E PJESËMARRJES NË GRUPET E PUNËS DHE NË KOMISIONET PËR VLERËSIMIN E FIGURAVE, TË SPECIALISTËVE TË JASHTËM PËR KËSHILLIN E QARKUT SHKODËR PËR VITIN 2023”**

Këshilli i Qarkut Shkodër, në mbledhjen e tij të datës 29.12.2022, me propozim të Kryetarit të Këshillit të Qarkut Shkodër, pasi dëgjoj materialin e paraqitur nga Drejtoria e Financës dhe Buxhetit dhe Drejtoria e Zhvillimit e Bashkëpunimit me Jashtë “Për miratimin e pjesëmarrjes në grupet e punës dhe në komisionet për vlerësimin e figurave, të specialistëve të jashtëm për Këshillin e Qarkut Shkodër për vitin 2023”, bazuar në nenin 77/ç të Ligjit nr. 139/2015, “Për vetëqeverisjen vendore”, ligjin nr. 9936 datë 26.06.2008 “Për menaxhimin e sistemit buxhetor në Republikën e Shqipërisë”, i ndryshuar, Ligjin nr. 84/2022, “Per Buxhetin e Vitit 2023”, nenin 5/ç të Ligjit nr. 10405 datë 24.3.2011 “Per kompetencat për caktimin e pagave dhe të shpërblimeve”, Ligjit Nr. 112/2014 “Për dekoratat, titujt e nderit, medaljet dhe titujt vendor të nderit në Republikën e Shqipërisë” si dhe në VKM-në Nr. 861, datë 10.12.2014 “Për miratimin e rregullave të hollësishme për funksionimin e komisioneve këshillimore për dhënien e medaljeve dhe titujve vendor të nderit në Republikën e Shqipërisë”, në VKM-në Nr. 429, datë 12.09.2002 “Për kushtet e përfitimit, shumën dhe procedurën e dhënies së pensioneve të posaçme shtetërore dhe shtesave të pensioneve të posaçme shtetërore”, ligjit Nr. 109/2018 “Për statusin e Dëshmorit të Atdheut”, neni 8, Dokumentet për shpalljen ose njohjen e statusit “Dëshmor i Atdheut”, Buxhetin e vitit 2023, në funksion të realizimit të përgjegjësisve ligjore të administratës të KQSH-së, për arsye të numrit të reduktuar të personelit administrativ të tij. Bazuar edhe në Rregulloren për Organizimin dhe Funksionimin e këshillit të Qarkut Shkodër, konkretisht neni 12,13, dhe 15 i saj.

Pas relatimit nga zyra e drejtorisë së financës dhe buxhetit dhe më pas diskutimit nga anëtarët e këshillit u kalua në procesin e votimit ku u Miratua me **14 Vota Pro, 0 Vota Kunder dhe 0 Vota Abstenim.**



## VENDOSI:

1. Miratimin e Grupit të Punës, të përberë nga specialistë të jashtëm, të angazhuar sipas nevojave , në Njësi Prokurimi e Komisione Vlerësimi apo komisione të tjera vlerësimi, me këtë përbërje;
  - Inxhinier hidroteknik – anëtar i Njesisë së Prokurimit, anëtar i KVO-së ;
  - Inxhinier elektrik – anëtar i Njesisë së Prokurimit, anëtar i KVO-së ;
  - Inxhinier mekanik – anëtar i Njesisë së Prokurimit, anëtar i KVO-së ;
2. Miratimin e shpërblimit të specialistëve të jashtëm, të angazhuar në Komisione për Këshillin e Qarkut Shkodër për vitin 2023 , në masën 10,000 (dhjetëmijë) lekë, për çdo pjesëmarrje në procedurë.
3. Miratimin e specialistëve të jashtëm, shtesë në komisionin e vlerësimit të figurave, si më poshtë;
  - 2(dy ) specialistë për dhënien e titujve vendore të nderit,
  - 2(dy ) specialistë për shtesa për pension të veçantë
  - 2(dy ) specialistë për njohjen e statusit për dëshmorin e atdheut,
4. Miratimin e shpërblimit të specialistëve të jashtëm, shtesë në komisionin e vlerësimit të figurave në masën 8,000 (tetëmijë) lekë, për çdo pjesëmarrje në vlerësim.
5. Burimi i Financimit do te jetë Transferta e Pakushtëzuar e vitit 2023 e planifikuar në Art. 602 .
6. Për zbatimin e këtij vendimi ngarkohet Kryetari i Këshillit të Qarkut Shkodër.
7. Ky vendim hyn në fuqi 10 ditë pas shpalljes së tij.





## KËSHILLI I QARKUT SHKODËR

Shkodër, më \_\_\_\_\_ 2022

### RELACION

#### “PËR MIRATIMIN E PJESËMARRJES NË GRUPET E PUNËS DHE NË KOMISIONET PËR VLERËSIMIN E FIGURAVE, TË SPECIALISTËVE TË JASHTËM PËR KËSHILLIN E QARKUT SHKODËR PËR VITIN 2023”

Bazuar në ligjin nr.139/2015, datë 17.12.2015 “Për vetëqeverisjen vendore”, ligjin nr.162/2020, datë 23.12.2020 “Për Prokurimin Publik”, Vendimin e Këshillit të Ministrave (VKM) nr.285, datë 19.05.2021 “Për miratimin e rregullave të prokurimit publik”, Marrëveshjet mes njërive të vetëqeverisjes vendore për kryerjen e investimeve në fushën e infrastrukturës, shërbimeve publike apo fusha të tjera investimesh, Buxhetin e vitit 2023,

→ Këshilli i Qarkut Shkodër duhet të realizojë procedura elektronike të prokurimit për investime të ndryshme dhe në kushtet e shkurtimit të personelit administrativ të Këshillit të Qarkut Shkodër në fillim të vitit 2016, është shumë i nevojshëm angazhimi i specialistëve të jashtëm, përkatësisht të inxhinierëve në fusha të ndryshme, sepse aktualisht institucioni ka vetëm një inxhinier ndërtimi.

Për këtë qëllim, legjislacioni ka përcaktuar një sërë dispozitash ligjore, konkretisht:

- Në Vendimin e Këshillit të Ministrave nr.285, datë 19.05.2021 “Për miratimin e rregullave të prokurimit publik”, neni 75, pika 3 (fjalë e fundit), citohet: “Në rastin e mungesës së personelit, autoriteti/enti kontraktor mund të punësojë me kontratë ekspertë të jashtëm, si anëtarë të komisionit të vlerësimit të ofertave.”
- E drejta e Autoritetit Kontraktor për të caktuar ekspertë të jashtëm, përcaktohet jo vetëm për përbërjen e komisionit të vlerësimit të ofertave, por edhe për përbërjen e Njesisë së Prokurimit, përkatësisht në pikën 2 (fjalë e parafundit) të nenit 74 të VKM-së nr.285, datë 19.05.2021 “Për miratimin e rregullave të prokurimit publik” citohet: “Në rast mungese të personelit, autoriteti/enti kontraktor mund të kërkojë staf të specializuar nga autoritete/ente kontraktore ose të punësojë ekspertë të jashtëm.”
- Përcaktimi i kompetencave të Këshillit të Qarkut Shkodër për mënyrën e shpërblimit të punonjësve apo personave të tjerë, të zgjedhur apo të emëruar, përcaktohet në ligjin nr.139/2015, datë 17.12.2015 “Për vetëqeverisjen vendore”, përkatësisht në nenin 77, shkronja “ç”, përcaktohet se: Këshilli i Qarkut Shkodër “miraton strukturën,

*organikën dhe kategorië/klasat e pagave për çdo pozicion të shërbimit civil dhe rregulloret bazë të administratës të qarkut, të ngjive të institucioneve buxhetore në varësi të qarkut, si dhe numrin e personelit të tyre, kërkesat për kualifikim, pagat dhe mënyrat e shpërblyerjes të punonjësve e të personave të tjerë, të zgjedhur ose të emëruar, në përputhje me legjislacionin në fuqi”.*

**IV. SHËRBIMI CIVIL**  
drejta e Këshillit të Qarkut Shkodër për caktimin e pagave dhe shpërblyemeve përcaktohet edhe në ligjin nr. 10405, datë 24.03.2011 “Për kompetencat për caktimin e pagave dhe të shpërblyemeve”, përkatësisht në nenin 5, shkronja “ç” të këtij ligji, citohet: Këshilli i Qarkut Shkodër miraton: “shpërblime të personave, nga burimet e veta financiare, të cilët caktohen në komitete, borde, këshilla, komisione, e të tjera të kësaj natyre, që ngrihen me vendim të këshillit përkatës”.

Referuar dispozitave të sipërcituara, në funksion të përcaktimit të shpërblyemeve të ekspertëve/specialistëve të jashtëm në kryerjen e detyrave e të rëndësishme me përgjegjësi të lartë për prokurimin e fondeve publike apo komisione të ndryshme vlerësimi, propozojmë të miratohet nga Këshilli i Qarkut Shkodër, Grupi i Punës, që bashkëpunon me Njësinë e Prokurimit dhe Komisionin e Vlerësimit të Ofertave, apo te ngjashme si këto, me këtë përberje:

→ Inxhinier hidroteknik – anëtar i Njësisë së Prokurimit, anëtar i KVO-së;

→ Inxhinier elektrik – anëtar i Njësisë së Prokurimit, anëtar i KVO-së;

→ Inxhinier mekanik – anëtar i Njësisë së Prokurimit, anëtar i KVO-së;

Duke marrë parasysh, afatin kohor të angazhimit të specialistëve të fushës (inxhinierë), që përcaktohet në varësi të ecurisë së procedurave të prokurimit, duke marrë parasysh përgjegjësinë e lartë, si dhe volumin e punës të ofrimit të ekspertizës së tyre, brenda mundësive të buxhetit të Këshillit të Qarkut Shkodër, propozojmë të caktohet një shpërblym në masën **10,000 (dhjetë mijë) lekë**, për çdo pjesëmarrje në procedurë prokurimi.

Këshilli i Qarkut Shkodër, mbështetur në Ligjin Nr. 139/2015, datë 17.12.2015 “Për vetëqeverisjen vendore”, neni 77, pika II, Ligjit Nr. 112/2014 “Për dekoratat, titujt e nderit, medaljet dhe titujt vendor të nderit në Republikën e Shqipërisë” si dhe në VKM-në Nr. 861, datë 10.12.2014 “Për miratimin e rregullave të hollësishtme për funksionimin e komisioneve këshillimore për dhënien e medaljeve dhe titujve vendor të nderit në Republikën e Shqipërisë”, në Ligjin Nr. 7703, datë 11.05.1993 “Për sigurimet shoqërore në Republikën e Shqipërisë” (i ndryshuar), në VKM-në Nr. 429, datë 12.09.2002 “Për kushtet e përfimit, shumën dhe procedurën e dhënies së pensioneëve të posaçme shtetërore dhe shtesave të pensioneëve të posaçme shtetërore”, ligjit Nr. 109/2018 “Për statusin e *Dëshmorit të Atdheut*”, neni 8, Dokumentet për shpalljen ose njohjen e statusit “*Dëshmorit të Atdheut*”, Rregullores se miratuar nga Këshilli i Qarkut Shkodër me vendimin nr. \_\_\_\_ datë \_\_\_\_\_, përcakton procedurat për trajtimin e personave që janë subjekt i ligjeve të mësipërme nga Këshilli i Qarkut Shkodër,

Duke marrë në konsideratë për sa parashikon legjislacioni i mësipërm si dhe zhvillimet pozitive në fusha të caktuara në qarkun e Shkodrës, ku individë të caktuar kanë dhënë kontribute të vecanta ndaj Këshilli i Qarkut nderon sipas rasisit, çdo personalitet shqiptar ose të huaj për veprimtari të shquar, në dobi të Qarkut Shkodër apo për veprimtari për mbrojtjen dhe promovimin e interesave të tij.

Duke patur parasysh që sipas legjislacionit përcaktohet qartë se këshilli i qarkut ka kompetencën që të krijojë komision këshillimor, që funksionon mbi procedurat për trajtimin e kërkesave të ndryshme të ardhura në adresë të këtij Këshilli, për dhënien e titujve vendore të nderit, është menduar bazuar dhe në vendimet përkatëse ligjore që, Komisioni Këshillimor të përbëhet nga të gjithë anëtarët e komisionit Juridik të vlerësimit të figurave dhe shqyrtimit të kërkesave për pensione të veçanta shtetërore dhe atyre për njohjen e statusit të dëshmorit të atdheut të Këshillit të Qarkut Shkodër, të angazhohen **për secilin rast** nga 2 (dy) anëtarë personalitete të jashtme, që përzgjidhen mes njerëzve të shquar dhe që kanë dhënë kontribut në fushën përkatëse, për të ruajtur nivelin korrekt, pa-anësinë, transparencën, në procedurat e vlerësimit ndaj rasteve që paraqiten, por duke respektuar dhe rekomandimet që rrjedhin nga aktet nënligjore përkatëse.

Pas miratimit të këtij vendimi do të kalohet në nxjerrjen e Urdhrit të përvitshëm për formimin dhe funksionimin e komisionit këshillimor për procedurat e vlerësimit;

- për dhënien e titujve vendore të nderit,
- shtesave për pension të veçantë
- njohjen e statusit për dëshmorin e atdheut,

në qarkun e Shkodrës, si dhe të përcaktohet vlera e shpërblimit për kontributin dhe pjesëmarrjen e tyre në këtë komision e cila do të jetë në masën 8,000 leke për pjesëmarrje në vlerësim.

Presim **MIRATIMIN** tuaj.

**Grupi i punes ;**

**Andrea Jakova,**

**Gjyljana Miruku**

**Kozeta Vuksanlekaj**

